

冊府元龜

八

台灣中華書局股份有限公司 出版
宗青圖書出版有限公司 發行

第八冊

冊府元龜

臺灣中華書局印行

册府元龜第八册目錄

卷三五五	立功八	四二〇九
卷三五六	立功九	四二二〇
卷三五七	立功一〇	四二三〇
卷三五八	立功一一	四二四〇
卷三五九	立功一二	四二五〇
卷三六〇	立功一三	四二六七
卷三六一	機略一	四二八一
卷三六二	機略二	四二九六
卷三六三	機略三	四三一〇
卷三六四	機略四	四三二四
卷三六五	機略五	四三三八
卷三六六	機略六	四三五一
卷三六七	機略七	四三六三
卷三六八	攻取一	四三七四
卷三六九	攻取二	四三八三
卷三七〇	忠一	四三九一
卷三七一	忠二	四四〇四
卷三七二	忠三	四四一九
卷三七三	忠四	四四三二
卷三七四	忠五	四四四八
卷三七五	褒異一	四四六一

卷三七六	褒異二	四四七六
卷三七七	褒異三	四四八七
卷三七八	褒異四	四四九六
卷三七九	褒異五	四五〇六
卷三八〇	褒異六	四五一五
卷三八一	褒異七	四五二六
卷三八二	褒異八	四五三九
卷三八三	褒異九	四五五二
卷三八四	褒異一〇	四五六二
卷三八五	褒異一一	四五七二
卷三八六	褒異一二	四五八四
卷三八七	褒異一三	四五九二
卷三八八	儒學	四六〇一
	有禮	四六〇七
卷三八九	請行	四六一二
卷三九〇	誓師	四六二七
	警備	四六三一
卷三九一	習兵法	四六三七
	申令	四六四二
	示信	四六四四
	示閒暇	四六四六
卷三九二	威名一	四六四八
卷三九三	威名二	四六五七

卷三九四 勇敢一 四六六七

卷三九五上 勇敢二上 四六八一

卷三九五下 勇敢二下 四六九一

卷三九六 勇敢三 四六九六

卷三九七 懷撫 四七一

卷三九八 明天時 四七二六

卷三九八 擇地利 四七二八

卷三九八 撫士卒 四七三一

卷三九八 冥助 四七三五

卷三九九 固守一 四七四〇

卷四〇〇 固守二 四七五三

卷四〇一 行軍法 四七六七

卷四〇二 識略一 四七七八

卷四〇三 識略二 四七九〇

卷三六一 卷三六一

卷三六一 卷三六一

卷三六一 卷三六一

卷三六一 卷三六一

卷三六一 卷三六一

卷三六一 卷三六一

卷三六一 卷三六一

卷三六一 卷三六一

冊府元龜第八冊目錄

冊府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

將帥部

立功第八

後周蘇椿魏孝明正光中應募討闕右賊授邊寇將軍累功遷奉朝請厲威將軍後領鄉兵破繁頭氏有功除散騎嘗侍加大都督

嘗安成魏正光末茹茹寇邊以統軍從鎮將慕容勝

冊府元龜

將帥部

卷之三百五十五

與戰大破之時破六汗枝陵作亂欲逼安成不從乃率所部討陵以功授伏波將軍給鼓節

梁臺魏孝昌中從爾朱天光平闕隴一歲之中大小

二十餘戰以功授都督

竇熾魏孝莊永安初從爾朱榮於并州時葛榮別帥

韓婁郝長衆數萬人據薊城不下以熾爲都督從驃

騎將軍侯深討之熾手斬婁以功拜揚烈將軍三年

除武厲將軍西魏孝武卽位率兵隨東南道行臺樊

子鴆追爾朱仲遠仲遠奔梁時又遣元樹入寇攻陷

譙城遂據之子鴆令熾率騎兵擊破之封唐縣子後

遷撫軍將軍朱衣直闕遂從帝西遷仍與其兄善重

至城下與武衛將軍高金龍戰於千秋門敗之朝入

官城取御馬四十四匹并鞍勒進之行在所帝大悅賜

熾及善駿馬各二匹駑馬各十四匹大統三年遷車騎

將軍高仲密以北豫州來附熾率兵從太祖授之至

雒陽會東魏人據却山爲陣太祖命留輜重於渾曲

率輕騎奮擊中軍與右軍大破之悉虜其士卒熾獨

進至石濟而還十三年進驃騎大將軍恭帝元年進

爵廣武郡公屬茹茹寇廣武熾率兵與柱國趙貴分

路討之茹茹聞軍至引退熾渡河至麴伏川追及與

冊府元龜

將帥部

卷之三百五十五

二

戰大破之斬其首帥郁久間是發獲生口數千及雜畜數萬頭

元定爲征虜將軍魏永安初從爾朱天光討闕隴羣

賊並破之除襄威將軍及賀拔岳被害定從太祖討

侯莫陳悅以功拜平遠將軍又從擊潼關拔迴雒城

又從擒寶泰後弘農破沙苑戰河橋定皆先鋒當其

前者無不被靡以前後功累遷都督征東將軍却山

之役敵人如堵定奮稍衝之殺傷甚衆太祖親觀之

論功爲最

王勇魏永安中万侯醜奴等寇亂闕隴勇召募隨軍

討之以功授寧朔將軍奉車都尉又數從侯莫陳悅
 賀拔岳征討功每居多拜別將後遷侍中驃騎大將
 軍開府儀同三司西魏恭帝元年從柱國趙貴征茹
 茹破之勇追擊獲雜畜數千頭進爵新陽郡公增邑
 通前二千戶仍賜姓庫汗氏

泉企為右將軍浙州刺史魏永安中梁將王玄真入
 寇荊州加企節都督率眾援之遇玄真於順陽與戰
 大破之除撫軍將軍假節鎮南將軍東雍州刺史
 賀拔岳魏孝莊時為都督副爾朱天光討万俟醜奴
 于關中天光以軍事並委於岳遂大破赤水蜀賊軍
 冊府元龜 將帥部 立功八 卷之三百五十五 三

威大振時醜奴自率大眾圍岐州遣行臺尉遲菩薩
 等自武功南渡渭天光遣岳率騎赴之岳身先士卒
 擊之退走岳號令所部賊下馬者皆不聽殺賊頗見
 之便悉投馬俄而虜獲三千餘人人馬無遺遂擒善
 薩降卒萬餘收其輜重醜奴尋棄岐州走安定平亭
 天光自雍至岐與岳合勢軍於汧渭之間宣言遠近
 日今氣候漸熱非征討之時待至秋涼更圖進取醜
 奴聞之遂以為實分遣諸軍散營農於岐州之北百
 里納川岳天光諸軍盡發掩之醜奴乃棄平亭而走
 岳輕騎急追明日及醜奴於平涼之長坑一戰擒之

高平城中又執蕭寶寅以降天光又與岳度醜餘眾
 皆降悉坑之死者萬七千人三秦河渭瓜凉鄯州咸
 來歸款天光雖為元帥而岳功多進封清水公侍中
 給後部鼓吹

侯莫陳崇初為魏建威將軍隨賀拔岳入關破万俟
 醜奴崇與輕騎逐北至淮州長坑及之賊未成列崇
 單騎入賊中於馬上生擒醜奴於是大呼眾悉披靡
 莫敢當之後騎集遂大破之岳以醜奴所乘馬及寶
 劍金帶賞之後從太祖擒寶泰復弘農破沙苑戰河
 橋又別討平稽胡累戰皆有功進位柱國大將軍
 冊府元龜 將帥部 立功八 卷之三百五十五 四

于惠以中堅將軍從賀拔岳西征定隴右每力戰有
 功累遷征西將軍
 王盟為賀拔岳前鋒擒万俟醜奴平秦隴嘗先登力
 戰拜征西將軍平秦郡守及太祖東征以留後大都
 督行雍州刺史事節度關中諸軍趙雀之亂盟與
 魏太子出頓渭北事平進爵長樂郡公增邑并前二
 千戶
 寇維從賀拔岳西征擒万俟醜奴於長坑維每力戰
 有功累遷右都督
 韓杲為賀拔岳帳內擊万俟醜奴及其枝黨轉戰數

十合並破之後為征虜將軍從太祖復弘農攻拔河南城獲郡守一人論功為最破沙苑戰河橋並有功授撫軍將軍

劉亮以都督從賀拔岳西征及岳為侯莫陳悅所害亮與諸軍謀迎太祖仍從平悅後悅黨幽州刺史孫定兒據州不下涇秦諸州悉與相應眾至數萬推定兒為主以拒義師帝令亮襲之定兒以義兵猶遠未為之備亮輕將二十騎先豎一燾於近城高嶺即馳入城中定兒方置酒高會卒見亮眾皆駭愕莫知所為亮乃麾兵斬定兒懸首號令賊黨仍遷指城外燾

冊府元龜 將帥部 立功八 卷之三十五十五

五

命二騎日出追大軍賊黨大懼一時降附於是諸州皆歸欵伏文帝置十二軍簡諸將將之亮領一軍每征討與怡峯俱為騎將從擒寶泰復弘農與沙苑之役並力戰有功遷車騎大將軍開府長廣公

怡峯以都督從賀拔岳討平隴右破寶泰復弘農敗沙苑又與諸軍征討每皆尅捷累遷車騎大將軍開府夏州刺史 大將軍與王

李賢為殿中將軍賀拔岳為侯莫陳悅所害太祖西征賢與其弟遠穆等密應侯莫陳崇以功授都督仍守原州及太祖至秦州悅棄城走太祖令兄子導勒

兵追之以賢為前驅轉戰四百餘里至牽屯山及之悅自剄於陣賢亦被重瘡馬中流矢太祖嘉之賞奴婢布帛及雜畜等授持節撫軍大將軍都督

賀拔勝魏孝武時為驃騎大將軍開府荊州刺史勝攻拔梁下差戍使人誘勸諸蠻皆率其種落歸欵漢南大駭馮翊安沔陽並平之進位尚書令

李延孫為直閣將軍賀拔勝為荊州刺史表延孫為都督肅清鴟路頗有力焉會東魏遣行臺慕容紹宗等數道來攻延孫獎勵所部出戰遂破之臨陣斬其揚州刺史薛嘉族於是義軍更振乃授延孫京南行

冊府元龜 將帥部 立功八 卷之三十五十五

六

臺節度南諸軍事廣州刺史獨孤信為魏武衛將軍從孝武入關時荊州雖陷東魏人心猶戀本朝乃以信兼尚書僕射南道行臺荊州刺史以招懷之信遂大破東魏將入破諸蠻三荆遂定就拜車騎大將軍

王雄為驃騎大將軍率軍從子午谷圍梁上津魏與明年克之

宇文虬為征虜將軍從獨孤信在荊州破梁人於下差遂平歐陽鄭城虬俘獲甚多又攻南陽廣平二城擒郡守一人以功加安西將軍孝武西遷虬為帳內

都督破田八能擒東魏荊州刺史辛纂功居多
 統三年論前後功進爵為公擒寶泰復弘農及沙苑
 河橋之戰皆有功進車騎將軍從獨孤信討梁企定
 破之進驃騎大將軍與王雄征上津魏興等並破之
 又於白馬與武陵王蕭紀將楊乾運戰破之尋而魏
 興復叛亂又與王雄討平之進位大將軍

段永為平東將軍孝武西遷永時不及從大統初乃
 結宗人潛謀歸款密與都督趙業等襲斬西中郎將
 慕容顯和傳首京師以功別封昌平縣子徐州刺史
 從擒寶泰復弘農沙苑並有戰功進爵為公河橋之
 冊府元龜 將帥部 立功八 卷之三百五十五 七

役永力戰先登授南汾州刺史累遷驃騎大將軍
 賀蘭祥為都督嘗居太祖帳下從平侯莫陳悅又迎
 西魏孝武以前後功封撫夷縣伯邑五百戶仍從擊
 潼關獲東魏將薛長儒又攻迴洛城拔之還拜左右
 直長進爵為公孝閔踐祚遷大司馬明帝武成初吐
 谷渾侵涼州祥與宇文貴討之遂與廣定王鍾留王
 等戰破之因拔其洮陽洪和二城以其地為洮州撫
 安西土振旅而還

王子真為太祖行臺郎中漢熾屠各阻兵於西山與
 隴東屠各共為唇齒太祖令子真率涇州步騎五千

討破之西山平除尚書左丞兵部郎中

楊標為車騎將軍拔東魏邵郡遷為太祖大軍行臺
 大丞齊神武敗於沙苑其將韓軌潘雒可朱渾元等
 為殿標分兵要截殺傷甚眾東雍州刺史司馬恭懼
 標威聲棄城遁走標遂移據東雍州文帝以標有謀
 畧堪委邊任乃表行建州事時建州遠在敵境三百
 餘里然標威恩夙著所經之處並羸糧附之北至建
 州眾已數萬東魏刺史車折于雒出兵逆戰標一鼓
 敗之又破其行臺斛律俱步騎二萬於州西大獲甲
 仗及軍資以給義士繇是威名大振時東魏以正平
 冊府元龜 將帥部 立功八 卷之三百五十五 八

為東雍州遣薛榮祖鎮之標將謀取之乃先遣奇兵
 急攻汾橋榮祖果盡出城中戰士於汾橋拒守其夜
 標率騎兵二千從他道濟遂襲克之進驃騎將軍既
 而郡民以郡東叛郡守郭武安脫身走免標又率
 兵攻而復之轉正平郡守又擊破東魏南絳郡虜其
 郡守屈僧珍錄前後功別封郃陽縣伯邑五百戶邛
 山之戰標攻拔栢谷塢因卽鎮之及大軍不利標亦
 拔還而東魏將侯景率騎追標標與儀同韋法保同
 心抗禦且戰且前經十數里景乃引退太祖嘉之賜
 帛三百疋復授建州刺史

趙剛爲營州刺史時滑州人鄭五醜構逆與叛羌傍乞鐵念相應令剛往鎮之會鄭五醜已尅定夷鎮所在立柵剛至並攻破之散其黨與五醜於是西奔鐵念剛又進破鐵念

郭賢爲車騎大將軍鎮魯陽又潁川被圍東魏遣蠻酋魯和崩動羣蠻規斷鷓鴣路和乃遣其從弟典和爲廣漢郡守率其部曲侵擾州境賢密簡士馬輕往掩襲大破之遂擒魯和

陳忻爲潁州刺史留鎮靜邊時東魏將侯景築九曲城忻率衆邀之擒其宜陽郡守趙嵩金門郡守樂敬

冊府元龜將帥部 立功八 卷之三百五十五

九

賓後從李遠平九曲城授帥都督東魏將軍爾朱渾願率精騎三千來向宜陽忻與諸將輕兵邀之願遂退走累加車騎大將軍儀同三司散騎嘗侍與齊將東方老戰於石泉破之俘獲甚衆時東魏每歲遣兵送米饋宜陽忻輒與諸軍邀擊之每多克獲

王思政爲驃騎將軍荊州刺史東魏將侯景叛擁兵梁鄭爲東魏所攻景乃請援乞師當時未卽應接思政以爲若不因機進取後悔無及卽率荊州步騎萬餘從魯陽入守潁川景引兵豫州外稱畧地乃密遣送款於梁思政分布諸軍據景七州十二鎮太

祖乃以所授景使持節太傅大將軍兼中書令河南大行臺河南諸軍事廻授思政

泉仲遵爲征東將軍東魏北豫州刺史高仲密舉城入附太祖率軍應之別遣仲遵隨于謹攻柏谷塢仲遵及戰先登擒其將王顯明柏谷旣拔復會戰於山後爲車騎大將軍梁荊州刺史柳仲禮每爲邊寇太祖令仲遵率鄉兵從開府楊忠討之梁隨郡守桓和拒守不降仲遵率先登城遂擒和仍從忠擊仲禮又獲之進驃騎大將軍

冊府元龜將帥部 立功八 卷之三百五十五

十

楊雄爲積射將軍從于謹攻盤豆柵後從李遠經沙苑陣並力戰有功加冠軍將軍後入雒陽戰河橋解玉壁圍迎高仲密援侯景並預有功陳將侯方兒搆純隨寇江陵雄從豆盧寧擊走之田弘爲帥都督太祖復弘農戰沙苑解雒陽圍破河橋陣弘功居多累加驃騎大將軍平蜀之後梁信州刺史蕭韶等各據所部未從朝化詔弘討平之又討西平及羗及鳳州叛兵等並破之信州羣蠻反又詔弘與賀若敦等平之保定三年從隨公楊忠伐齊拜大將軍明年又從忠東伐師還所鎮吐谷渾寇西邊宕昌羗潛相應接詔弘討之獲其二十五王拔其七

十六棚遂破平之天和中為仁壽城主以逼宜陽齊將段孝先斛律明月出軍定隴以為宜陽援弘與陳公統破之遂拔宜陽等九城以功增邑五百戶進爵任國大將軍

嘗善為平東將軍從太祖擒寶泰復弘農破沙苑累有戰功除使持節衛將軍

豆盧寧以都督從太祖擒寶泰復弘農破沙苑除衛大將軍兼大都督

權景宣為行臺祠部郎中從太祖拔弘農破沙苑皆先登陷陣後留景宣等守張白塢節度東南義軍東

冊府元龜將帥部立功八卷之三十五十一

魏將王元軌入雒景宣與延孫等擊走之以功授大行臺左丞進屯宜陽攻襄城拔之獲郡守王洪顯俘

斬五百餘人太祖嘉之徵入朝錄前後功封顯親縣男邑三百戶後為車騎大將軍鎮荊州委以蜀南之

事初梁岳陽王蕭譽將以襄陽歸朝仍勒兵攻梁元帝於江陵譽叛將杜岸乘虛襲之景宣乃率騎三千

助譽破岸譽因是乃送其妻王氏及子寮入質景宣又與開府楊忠取梁將柳仲禮拔安陸隨郡進攻應

城拔之獲夏侯珍洽於是應禮安隨並平朝議以景宣威行南服乃授并安肆郢新應六州諸軍事并州

刺史孝閔徵為江陵防主加大將軍保定四年晉公獲東討景宣別討河南齊豫州刺史王士良永州刺史蕭世怡並以城降景宣以開府謝徵守永州開府郭彥守豫州以士良世怡及降卒一千人歸詣京華而維陽不守乃棄二州拔其將士而還至昌州而羅陽蠻反景宣迴軍破之斬首千級獲生口一千雜畜千頭送闕

王軌為大將軍太祖總戎東伐六軍圍晉州刺史崔景嵩守城北而夜中密遣送款詔令軌率眾應之未

明士登城鼓噪齊人駭懼因即退走遂克晉州擒其冊府元龜將帥部立功八卷之三十五十二

城王特進海昌王尉相貴俘甲士八千人於是遂從平并鄴以功進位上大將軍

趙昶為大都督行南秦州事氏帥蓋開等反昶討擒之又與史寧破宕昌羗獠二十餘萬拜武州刺史

裴杲為平東將軍從開府楊忠平隨安陸以功加大都督又從大將軍尉遲迥伐蜀杲率所部為前軍開

劍閣破李慶登降楊乾運皆有功梁椿為驃騎大將軍從李弼赴穎川援侯景別攻闕

韓鎮斬其鎮城徐衛城主卜貴維率軍士千人降叱羅協為尉遲迥行軍長史伐蜀既入劍閣迥令行

潼州事時有五郡城氏首趙雄傑等扇動新潼始三州民反叛聚結二萬餘人在州南三百隔涪水據槐林山置柵拒守梓潼郡民鄧朧王令公等招誘鄉邑萬餘人復在州東十里涪水北置柵以應之同潼州城中糧少軍人乏食協撫安內外咸無異心遣儀同伊婁訓大都督司馬裔等將步騎千餘人夜渡涪水擊雄傑一戰破之令公以雄傑敗亦棄柵走還本郡復與鄧朧等更率萬餘人於近東南隔水置柵斷絕驛路協遣儀同楊長樂與司馬裔等率師討之復遣大都督裴孟嘗領百騎繼進爲其聲勢孟嘗旣至册府元龜將帥部 卷之三百五十五 十三

揚寬爲大丞相府司馬朝議欲經畧漢川梁宜豐侯蕭循固守南鄭寬從大將軍達奚武討之梁武陵王蕭紀遣將楊乾運率兵萬餘人救循武陵令寬都督開府王傑賀蘭願德等邀擊之軍至白馬乾運合戰破之俘斬人軍還除南幽州刺史

賀若敦爲驃騎大將軍時岷蜀初開民情尚梗巴西人譙淹據南梁與梁西州刺史至開業共爲表裏扇動羣蠻太祖令敦率軍討之山路艱難人迹罕至敦身先將士攀木緣崖倍道兼行乘其不意又遣儀同扶猛破其別帥向鎮侯於白帝淹乃與開業并其黨帛王成侯造等率衆七千口累三萬自墊江而下就梁王琳敦邀擊破之淹復依山立柵南引蠻帥向白彪爲援敦設反間離其黨與其懈怠復破之斬淹盡俘其衆

扶猛爲大將軍羅州刺史率所部千人從開府賀若敦南討信州敦令猛別道直趣白帝所繇之路人迹不通猛乃梯山捫葛備歷艱阻雪深七尺糧運不繼猛勸獎士卒兼夜而行遂至白帝刺史向鎮侯列陳拒猛猛與戰破之乘勝而進入白帝城撫慰民夷莫不悅服武帝保定中又從田弘破漢南諸蠻前後十

餘戰每有功進位大將軍

李遷哲為驃騎大將軍與田訢同討信州軍次并州
刺史杜滿谷望風送款進圖疊州克之獲刺史舟助
國等遷哲每率驍勇為前鋒所有攻戰無不身先士
卒凡下十八州拓地二千餘里時信州為蠻酋向五
子等所圖弘又遣遷哲入據白帝賀若敦等復至遂
共追擊五子主等破之及田弘旋軍帝令遷哲留鎮
白帝

陸騰為車騎大將軍安康脫黃眾竇等作亂連結中
眾數萬人攻圍東梁州城中糧盡詔騰率軍自子午
冊府元龜將帥部 卷之三百五十五 十五
立功八

谷以授之騰乃呈言就道至便與戰大破之軍還遷
龍州刺史信州蠻蛋據江破反叛連結二千餘里自
稱王侯殺刺史守令等又詔騰率軍討之騰乃先趨
益州進驍勇之士兼具樓船沿外江而下軍至湯口
分道奮擊所向摧破乃築京觀以旌武功騰既破信
州蠻蛋涪陵郡守蔭休祖又據楚向臨容開信等州
地方二千餘里阻兵為亂復詔騰討之初與大戰斬
首二千餘級俘獲千餘人當時雖摧其鋒而賊眾既
多自夏及秋無日不戰師老糧盡遂停軍集市更思
方畧賊見騰不出四面競前騰乃激勵其眾士皆爭

奮殺攻拔其魚令城大獲糧儲以克軍實又破銅盤
等七柵前後斬獲四千人并船艦等又築臨州集市
二城以鎮遏之後遷江陵總管陳遣其將軍昭達率
眾五萬船艦二千圍江陵衛王直聞有陳寇遣大將
軍趙閻李遷哲等率步騎赴之並授騰節度時遷哲
等守外城陳將程文季雷道勤夜來掩襲遷哲等驚
亂不能抗禦騰夜遣開門出甲士奮擊大破之陳人
奔潰道勤中流矢而斃虜獲二百餘人陳人又決龍
川寧邦堤引水灌江陵城騰親率將士戰於西堤破
之斬首數千級陳人乃遁

冊府元龜將帥部 卷之三百五十五 十六
立功八

尉遲迥為伐蜀都督督開府元珍乙弗亞万侯呂陵
始叱奴與碁連雄六昇等六軍甲士一萬二千騎萬
匹伐蜀以魏廢帝二年春自散關繇故道出自馬越
晉壽開平林舊道前軍臨劔閣蕭紀安州刺史樂廣
以州先降紀梁州刺史楊乾運時鎮潼州又降六月
迥自潼州大饗將士引之而西紀益州刺史蕭瑒不
敢戰遂嬰城自守進軍圍之初紀至巴郡聞迥來侵
遣蕭掩迥師為搆外援迥分遣元珍乙弗亞等以輕
騎破之遂降前後戰數十合皆為迥所破瑒與紀子
宜都王蕭大圓率其文武官屬詣軍門請見迥以禮

接之其吏人合管等各令復業唯收僮隸及儲積以賞將士號令嚴肅軍無私焉詔迥為大都督益等十八州諸軍事益州刺史

任杲為沙州刺史率鄉兵二千人從討遲迥征蜀尋進授驃騎大將軍開府儀同三司蕭紀遣趙跋扈等率眾三萬來援成都杲從大將軍擊破之及成都平

除始州刺史

于謹為柱國大將軍梁元帝平侯景之後於江陵嗣位密與齊氏通使將謀侵軼其兄子岳陽王譽時為雍州刺史以梁元帝殺其兄譽遂結讎隙據襄陽來

冊府元龜

將帥部 立功八

卷之三百五十五

十七

附仍請王師乃令謹率眾出討文帝餞於青泥谷謹乃令中山公護及大將軍楊忠等率精騎先據江津斷其走路梁人豎木柵於城外廣輪六十里尋而謹至悉眾圍之梁主屢遣兵出戰為謹所破旬有六日外城遂陷梁主退保子城翼日率其太子已下面縛降尋殺之虜其男女十餘萬人收其府庫珍寶得宋渾天儀梁日畧銅表魏相風烏銅螭螭跌大玉徑四尺圍七尺及諸輦輦以獻軍無私焉立蕭譽為梁主振旅而旋

蔡祐為中領軍江陵初附諸蠻騷動詔祐與大將軍

且盧寧討平之

史寧為持節都督涼州諸軍事初茹茹與魏和親後

更離叛尋為突厥所破殺其王阿那環部落逃逸者仍奉環之子二人并其種落酋長自是每戰破之前

後獲數萬人進爵安政郡公就拜大將軍時突厥木

汗可汗假道涼州將襲吐渾太祖令寧率騎隨之軍

至番木吐渾已覺奔于南山木汗將分兵追之令俱

會于青海寧謂木汗曰樹敦賀真二城是吐渾巢穴

今若拔其本根餘種自然離散此上策也木汗從之

即分為兩軍木汗從北道向賀真寧趣樹敦賀周

冊府元龜

將帥部 立功八

卷之三百五十五

十八

國王率眾逆戰寧擊斬之踰山履險遂至樹敦敦是渾之舊都多諸珍藏而渾主先已奔賀真留其征南王及數千人固守寧進兵攻之偽退渾人果開門逐之因起兵奮擊門未及闔寧兵遂得入生獲其征南王俘虜男女財寶盡歸諸突厥渾賀羅拔王依險為柵周廻五十餘里欲塞寧路寧攻其柵破之俘斬萬計獲雜畜數萬頭木汗亦破賀真虜渾主妻子大獲珍物寧軍於青海與木汗會木汗握寧手歎其勇決并遺所乘良馬令寧於帳前乘之木汗親自步送突厥以寧所圍必破皆畏憚之咸曰此中國神智人也

及將班師木汗又遣寧奴婢一百口馬五百匹羊一萬口寧乃還州

魏玄為大都督雜安民雍方雋據郡外叛率步騎一千自號行臺攻破郡國囚執守令玄率弘農九曲孔

城伏流防主五年齊將斛律明月率眾向宜陽兵威甚盛玄率兵禦之每戰輒克

辛威為大將軍武帝保定初率兵討丹州叛胡破之三年與達奚武攻陽關拔之明年從討遲迥圍維陽

還拜小司馬天和初進位柱國復為行軍總管討綏冊府元龜將帥部 立功八 卷之三十五 十九

銀等諸州叛胡并平之六年從齊王憲東伐拔伏龍等五城

劉雄為驃騎大將軍天和中外齊人於姚襄築伏龍等五城以處戍卒雄從齊公憲攻之五城皆拔憲復遣

雄從柱國李穆出軹關攻邵州等城拔之以功獲賞五千皇太子西征吐谷渾雄自涼州從滕王道率軍

先入渾境去伏侯城二百餘里道遣雄先至城東舉火與大軍相應渾洮王率七百餘騎逆戰雄時所部

數百人先並分遣斥侯在左右者二十許人雄即率與交戰斬首七十餘級雄亦亡其三騎自是從迥連

戰之雄功居多賞物甚厚王大軍東討雄從齊王憲拔洪洞下永安軍還仍與憲廻援晉州未至齊後主

已率大兵親自攻圍晉州垂陷憲遣雄先往察其軍勢雄乃率步騎千人鳴鼓角還報城中尊而高祖兵

至齊主遁走從平并州拜上大將軍

明月寇江北運從齊公憲禦之拔其龍城進爵廣業郡公增邑八百戶建德元年為右宮正時帝幸雲陽

宮又令運以本官兼司武與長孫覽皇太子居守俄而衛刺王直作亂率其黨襲肅章門覽懼走行在運

冊府元龜將帥部 立功八 卷之三十五 二十

時偶在門中直兵奄至不暇命左右乃手自闔門直黨與運爭門斫傷運指僅而得閉直黨不得進乃取

宮中材木及林笋等以益火更以膏油灌之火勢轉熾久之直不得進乃退運率留守兵因其退以擊之

直大敗而走是日非運官中已不守矣帝嘉之授大將軍賜以直田宅妓樂金帛車馬及什物等不可勝

數

韋孝寬為雍州刺史武帝東伐趙王招率岳出稽胡與大將軍犄角乃勅孝寬為行軍總管圍守華谷以應接之孝寬起其四城武帝平晉州復令孝寬還舊

冊府元龜

巡按福建監察御史臣李嗣京 訂正

分守建南道左布政使臣胡維霖 叅閱

知建陽縣事 臣黃國琦 較釋

將帥部 一十七

立功第九

隋李雄初仕後周太祖時為輔國將軍從達奚武平漢中定興州又討汾州叛胡錄前後功拜驃騎大將軍儀同三司

寶榮定初仕周為平東將軍從太祖與齊人戰於北

冊府元龜 將帥部 立功九 卷之三百五十六

印周師不利榮定與汝南公宇文神慶帥精騎二千邀擊之齊師乃卻以功拜封上儀同

元景山仕周閔帝時從大司馬賀蘭祥擊吐谷渾以

功拜撫軍將軍其後與齊人戰於北印斬級居多高

祖受禪拜上柱國明年大舉伐陳以景山為行軍元

帥率行軍總管韓延呂哲出漢口遣上開府鄧孝儒

將勁卒四千攻陳甌山鎮陳人遣其將陸綸以舟師

援孝儒逆擊破之陳將魯達陳紀以兵守湏口景山

復遣兵擊走之陳人大駭甌山託陽二鎮守將皆棄

城而遁

宇文欣年十八歲從周齊王憲討突厥有功拜儀同

三司韋孝寬之鎮玉壁也以欣驍勇請與同行屢有

戰功加位開府驃騎將軍從武帝伐齊遂援晉陽齊

平進位大將軍又從韋孝寬討尉遲迥迥遣子惇盛

兵武陟欣先鋒擊走之進臨湘州迥遣精甲三千伏

於野馬岡欲擊官軍欣以五百騎襲之斬獲畧盡進

至草橋迥又拒守欣奇兵擊破之直趨鄴下

李衍仕周武帝時為義州刺史從韋孝寬鎮玉壁城

數與賊戰敵人憚之及平齊以軍功進授大將軍後

為定鄉三州刺史及王謙作亂高祖以衍為行軍總

冊府元龜 將帥部 立功九 卷之三百五十六

晉從梁睿擊平之進位上大將軍

于爾仕周武帝時為少胥附從齊王憲破齊師於維

陽以功賜爵豐寧縣子邑五百戶

趙仲卿周大將軍綱之子從齊王憲擊北齊攻臨秦

統戎威遠伏龍張辟等五城盡平之又擊齊將段孝

先於姚襄城苦戰連日破之以功授大都督尋與宿

衛平齊之役以功遷上儀同兼趙郡太守開皇中拜

朔州總管會突厥啓人可汗求婚於國帝許之仲卿

因是間其骨肉遂相攻擊十七年啓人窘迫與隋使

長孫晟投通漢鎮仲卿率騎千餘馳援之達頭不敢

逼潛遣人誘致啓人所部至者二萬餘家其年從高山與虜相遇交戰七日大破之追奔至乞伏洎復破之虜千餘口雜畜萬計突厥悉衆而至仲卿爲方陣四面拒戰經五日會高穎大兵至合擊之虜乃敗走追度白道踰泰山七百餘里時突厥降者萬餘家帝命仲卿處之嘗安以功進位上柱國賜物三千段朝廷慮達頭掩襲啓人令仲卿屯兵二萬以備之代州總管韓洪永康公李藥王蔚州刺史劉隆等將安騎一萬授嘗安達頭騎十萬來寇韓洪軍大敗仲卿自

冊府元龜

將帥部
立功九

卷之三百五十六

三

樂寧邀擊斬首虜千餘級

楊素仕周武帝時爲車騎大將軍從齊王憲與齊人戰於河陰以功封清河縣子邑五百戶及高祖爲丞相素深自結納高祖甚嘉之以素爲汴州刺史行至餘陽會尉遲迥作亂榮州刺史宇文胄據武牢以應迥素不得進高祖拜素大將軍發河內兵擊胄破之遷徐州總管及伐陳爲行軍元帥率水兵東下陳王遣其信州刺史顧覺鎮安蜀城荊州刺史陳紀鎮公安皆懼而退走巴陵以東無敢守者湘州刺史岳陽王陳叔慎遣使請降又爲內史令以浙江賊帥高智

慧等未殄復乘傳至會稽先是泉州人王國慶南安豪族也殺刺史劉弘棟州爲亂諸亡賊皆歸之自以海路艱阻非北人所習不設備素汎海掩之王國慶惶遽棄州而走餘黨散入海島或守溪洞素分遣諸將水陸追捕乃密令人謂國慶曰爾之罪狀計不容誅唯有斬送智慧可以塞責國慶於是執送智慧斬於泉州自餘支黨悉來降附江南大定後遷尚書左僕射時漢王諒反帝以素爲荊州道行軍總管河北道安撫大使率衆數萬討諒時晉絳晉三州並爲諒城守素各以二千人縻之而去諒遣趙子開權衆十

冊府元龜

將帥部
立功九

卷之三百五十六

四

餘萬策絕徑路屯據高壁布陣五十里素令諸將以兵臨之自引奇兵潛入霍山緣崖谷而進直指其營一戰破之殺傷數萬諒所署介州刺史梁脩羅屯介休聞素至懼棄城而走進至荊州三十里諒率其將王世宗趙子開蕭摩訶等衆且十萬來拒戰又擊破之擒蕭摩訶諒退保荊州素進兵圍之諒窮蹙而降餘黨悉平

韓擒虎仕周武帝時爲儀同三司齊將獨孤永業守金墉城擒虎說下之進平范陽加上儀同陳人逼光州擒虎以行軍總管擊破之又從宇文欣平合州高